

**Republika e Shqipërisë**  
**Enti Rregullator i Energjisë**

**LICENCË PËR OPERIMIN E SISTEMIT TË TRANSMETIMIT TË ENERGJISË ELEKTRIKE**

Numri i Licensës:

Certifikata e Regjistrimit:

Seria:

Data e Hyrjes në Fuqi:

Licenca i jepet:

Shoqëria:

NUIS:

Bazuar në autoritetin që i është dhënë në seksionin e dytë të Pjesës së Pestë të Ligjit Nr.43/2015 “Për Sektorin e Energjisë Elektrike”, Enti Rregullator i Energjisë (“ERE”) i jep këtë Licencë (“Licenca”), për të kryer veprimtarinë e operatorit të transmetimit të energjisë elektrike (TEE), personit juridik të lartpërmendur, i quajtur “I Licensuari”, subjekt i Kushteve të Licencës të bashkëngjitura dhe pjesë integrale të saj, si dhe kushteve të percaktuara në Vendimin e Bordit të ERE.

Kjo Licencë hyn në fuqi në datën e shkruar më lart dhe do të vazhdojë të jetë në fuqi, deri në përfundim të afatit të kësaj license ose kur hiqet nga ERE në përputhje me Kushtet e Licencës të përfshira këtu.

**KRYETAR I ERE-S**

**Republika e Shqipërisë**  
**Enti Rregullator i Energjisë**

**LICENCË**

**PËR**

**OPERIMIN E SISTEMIT TË TRANSMETIMIT TË ENERGJISË ELEKTRIKE**

Seria: \_\_\_\_\_

Numri i Licensës: \_\_\_\_\_

I jepet: \_\_\_\_\_

(Emri i plotë i të Licensuarit)

## KUSHTET E LICENCËS

PËR

### OPERIMIN E SISTEMIT TË TRANSMETIMIT TË ENERGJISË ELEKTRIKE

Numri i Licensës: \_\_\_\_\_

Seria: \_\_\_\_\_

I jepet: \_\_\_\_\_

(Emri i plotë i të Licensuarit)

- **Dispozita të Përgjithshme**

1.1 ERE është autoriteti i vetëm në Republikën e Shqipërisë, i njohur në Pjesën e Katërt të Ligjit Nr. 43/2015 “Për Sektorin e Energjisë Elektrike” për të lëshuar këtë Licencë dhe deklaruar hyrjen në fuqi të saj.

1.2 Nëse ndonje kusht i kësaj Licencë pushon së qeni në fuqi, ky kusht do të hiqet nga Licenca dhe Kushtet e mbetura të Licencës do të vazhdojnë të jenë plotësisht në fuqi.

1.3 Transferimi i aseteve të të licencuarit, bëhet sipas përcaktimeve të nenit 44 të ligjit nr 43/2015 “Për sektorin e energjisë elektrike” dhe “Rregullores së transferimit të aseteve nga të licencuarit në sektorin e energjisë elektrike dhe gazit natyror miratuar me vendimin nr. 119 datë 21.07.2016

1.4. ERE ndryshon këtë licensë, në përputhje me nenin 43 të ligjit dhe rregulloren për procedurat dhe afatet për dhënien, modifikimin, transferimin ose heqjen e licencave, të miratuar nga ERE

1.5 Në Republikën e Shqipërisë do të jepet vetëm një Licencë për Aktivitetin e Operatorit të Sistemit të Transmetimit të Energjisë Elektrike

1.6 Fjalët dhe frazat e mëposhtme të përdorura në Licencë, Kushtet e Licencës dhe Aneksat, kur përdoren, do të kenë kuptimet e mëposhtme:

1.7 “Aktivitete të energjisë elektrike” janë aktivitetet ekonomike që lidhen me prodhimin, transmetimin, shpërndarjen dhe furnizimin e energjisë elektrike, si dhe funksionimin e tregut të energjisë elektrike.

**1.8 “Enti Rregullator i Energjisë” ose “ERE”** është autoriteti rregullator i sektorit të energjisë elektrike dhe gazit natyror, i cili funksionon në përputhje me këtë ligj dhe ligjin për sektorin e gazit natyror.

**1.9 “Operatori i Rrjetit”** është operatori i sistemit të transmetimit dhe/ose operatori i sistemit të shpërndarjes.

**1.10 “Operatori i Sistemit të Transmetimit” ose “OST”** është personi juridik, përgjegjës për operimin, mirëmbajtjen dhe zhvillimin e sistemit të transmetimit, duke përfshirë interkonjeksionet me sistemet e tjera ndërkuftare, për të siguruar aftësinë afagjate të sistemit për plotësimin e kërkesave të arsyeshme për transmetimin e energjisë elektrike.

**1.11 “Certifikim”** është procedura, e cila përcakton përputhshmërinë me kushtet që sigurojnë pavarësinë dhe ndarjen e operatorit të Sistemit të Transmetimit, sipas përcaktimeve të ligjit të cituar më sipër, si një parakusht për përcaktimin dhe miratimin e këtij operatori.

**1.12 “Aktivitete të energjisë elektrike”** janë aktivitete ekonomike që lidhen me prodhimin, transmetimin, shpërndarjen dhe furnizimin e energjisë elektrike, si dhe funksionimin e tregut të energjisë elektrike.

**1.13 “Bordi”** është organi vendimmarrës i ERE-s, i emëruar sipas ligjit të cituar më sipër

**1.14 “Dispeçerimi”** është veprimtaria e kryer nga Operatori i Sistemit të Transmetimit, që konsiston në menaxhimin në kohë reale të flukseve të energjisë elektrike dhe zbatimin e masave të nevojshme për operimin e bashkërenduar të komponentëve të sistemit elektroenergjetik, përfshirë centralet prodhuese, rrjetin e transmetimit dhe shërbimet ndihmëse të nevojshme për operimin e sistemit.

**1.15 “Licencë”** është një e drejtë që i jepet një personi për ushtrimin e një veprimtarie në sektorin e energjisë elektrike, në përputhje me dispozitat e këtij ligji.

**1.16 “Ligji”** në këtë akt do të kuptohet në çdo rast ligji nr 43/2015 “Për sektorin e energjisë elektrike”

**1.17 “Legjislacioni në fuqi”** Ligjet e Republikës së Shqipërisë të shpallura nga Kuvendi Shqiptar përfshirë ligji (ketu me lart) dhe çdo akt nënligjor i nxjerr në zbatim të ligjit që janë në fuqi gjatë periudhës së kësaj License

**1.18 “Modeli i tregut të energjisë elektrike”** është një dokument i përgatitur dhe i miratuar në përputhje me dispozitat e ligjit, i cili përcakton marrëdhëniet ndërmjet pjesëmarrësve të ndryshëm të tregut të energjisë elektrike.

**1.19 “Rregullat e ERE-s”** do të kuptohet çdo akt nënligjor i miratuar nga ERE në zbatim të legjislacionit në fuqi, e që rregullon veprimtarinë e të licencuarve në sektorin e energjisë elektrike.

**1.20 “Rregullat e tregut”** janë rregulla të hollësishme, të cilat përcaktojnë mënyrën e operimit dhe menaxhimit të tregut, regjistrimin e pjesëmarrësve, përgjegjësinë e balancimit prej pjesëmarrësve të tregut të energjisë elektrike, rregullat për balancimin e sistemit të energjisë elektrike, rregullat për llogaritjen e disbalancës për palët përgjegjëse të balancimit, rregullat për përgjegjësitë financiare të palëve përgjegjëse të balancimit në rast të disbalancimit, si dhe çështje të tjera lidhur me funksionimin e tregut.

**1.21 “Eksport i deklaruar”** është dispeçerimi i energjisë elektrike që i korrespondon sasisë së energjisë elektrike që lëvrohet njëkohësisht në një vend tjetër si import i deklaruar mbi bazën e një marrëdhënieje kontraktuale.

**1.22 “ENTSO-e (European Network of Transmission System Operators for Electricity)** është Rrjeti Europian i Operatorëve të Sistemit të Transmetimit të Energjisë Elektrike.

**1.23 “I licencuar”** është një person i pajisur me licencë për aktivitete të energjisë elektrike, në përputhje me dispozitat e këtij ligji.

**1.24 “Pala përgjegjëse për balancimin”** është një pjesëmarrës i tregut të energjisë elektrike ose përfaqësuesi i zgjedhur prej tij, përgjegjës përballë Operatorit të Sistemit të Transmetimit për disbalancat e krijuara gjatë operimit të tij.

**1.25 “Palët e Komunitetit të Energjisë”** janë palët kontraktuese të Traktatit të Komunitetit të Energjisë, Bashkimi Europian dhe shtetet anëtare të tij.

**1.26 “Përdoruesit e sistemit”** janë personat fizikë ose juridikë, të cilët i furnizon ose furnizohen me energji elektrike nëpërmjet sistemit të transmetimit ose të shpërndarjes.

**1.27 “Përgjegjësia e balancimit”** është një detyrim i pjesëmarrësve të tregut për balancimin e prodhimit, konsumit, proceseve të shitblerjes së energjisë elektrike, në përputhje me programin e pranuar, duke qenë përgjegjës financiarisht kundrejt Operatorit të Sistemit të Transmetimit për sistemimin e disbalancave të krijuara.

**1.28 “Ofrues i shërbimit të balancimit”** është një pjesëmarrës i tregut të energjisë elektrike, që siguron shërbimet e balancimit për Operatorin e Sistemit të Transmetimit, në bazë të një kontrate për pjesëmarrje në tregun e balancimit, në përputhje me rregullat e balancimit të sistemit elektrik.

**1.29 “Pjesëmarrës i tregut të energjisë elektrike”** është një person juridik, i regjistruar si pjesëtar i tregut të energjisë elektrike, që përfshin prodhuesit, tregtarët, furnizuesit, klientët, Operatori i Sistemit të Transmetimit, Operatori i Sistemit të Shpërndarjes, sistemet e mbyllura të shpërndarjes dhe operatori i tregut. Operatori i Sistemit të Transmetimit dhe Operatori i Sistemit të Shpërndarjes janë pjesëmarrës të tregut të energjisë elektrike vetëm për qëllim të sigurimit të energjisë elektrike të nevojshme për mbulimin e humbjeve në rrjet, balancimin dhe shërbimet ndihmëse.

**1.30 “Kodet e Rrjetit”** janë Kodi i Transmetimit dhe Kodi i Shpërndarjes. “Kodi i Shpërndarjes” është tërësia e rregullave teknike, të cilat rregullojnë funksionimin e rrjetit të shpërndarjes, si dhe vendosin kushtet e shërbimit që ofrohen nga operatorët e sistemit të shpërndarjes për përdoruesit e sistemit të shpërndarjes.

**1.31 “Kodi i Transmetimit”** është tërësia e rregullave teknike, të cilat rregullojnë operimin e sistemit të transmetimit, si dhe përcaktojnë kushtet e shërbimit që ofrohen nga Operatori i Sistemit të Transmetimit ndaj përdoruesve të sistemit të transmetimit, në përputhje me rregullat e ENTSO-e.

**1.32 “Kodi i Matjes”** është tërësia e normave minimale të detyrueshme për matjen dhe regjistrimin e energjisë elektrike.

**1.33 “Siguruesi i shërbimeve të balancimit”** është një pjesëmarrës i tregut të energjisë elektrike, i cili siguron shërbimet e balancimit për Operatorin e Sistemit të Transmetimit, bazuar në kontratën për pjesëmarrjen në tregun e balancimit, sipas rregullave përkatëse të sigurimit të balancimit të sistemit të energjisë elektrike.

**1.34 “Sistemi i energjisë elektrike”** është një sistem i ndërlidhur, i përbërë nga centralet elektrike, linjat elektrike, nënstacionet dhe pajisjet e transmetimit e shpërndarjes, me qëllim transmetimin apo shpërndarjen e energjisë elektrike te klientët.

**1.35 “Sistemi i transmetimit”** është sistemi i përdorur për transmetimin e energjisë elektrike në tension të lartë dhe shumë të lartë, i lidhur në paralel me sistemet e vendeve të tjera, që përfshin midis të tjerave linjat, strukturat mbështetëse, pajisjet transformuese dhe kyçëse/shkyçëse për lëvrimin e energjisë elektrike te klientët ose në rrjetin e shpërndarjes, pa përfshirë furnizimin.

**1.36 “Shërbimi i balancimit”** është sigurimi i kapacitetit rezervë i kontraktuar dhe/ose energjia elektrike balancuese, e përdorur nga Operatori i Sistemit të Transmetimit për të kryer balancimin.

**1.37 “Shërbime ndihmëse”** janë shërbimet e nevojshme për operimin e qëndrueshëm të sistemit të transmetimit ose shpërndarjes.

**1.38 “Shoqëri elektroenergjetike”** është një person juridik që kryen të paktën një nga veprimtaritë: prodhim, transmetim, shpërndarje, furnizim ose blerje të energjisë elektrike, i cili është përgjegjës për detyrimet tregtare, teknike ose të mirëmbajtjes, lidhur me këto veprimtari, pa përfshirë klientët fundorë.

**1.39 “Import i deklaruar”** është energjia elektrike që lëvrohet në një vend, e cila, në të njëjtën kohë, dispeçerohet si eksport i deklaruar nga një vend tjetër.

**1.40 “Interkonektor”** është një linjë transmetimi e ndërtuar nga Operatori i Sistemit të Transmetimit ose një palë e tretë, e cila kalon nëpërmjet kufirit shtetëror të Republikës së Shqipërisë dhe të një vendi tjetër dhe lidh sistemet kombëtare të transmetimit të të dyja vendeve.

**1.41 “Interkonektor i ri”** është një interkonektor i papërfunduar dhe/ose i përfunduar por i pakomisionuar, deri në datën e hyrjes në fuqi të kësaj licence.

**1.42 “Tranzit i deklaruar”** është sasia e energjisë elektrike që vjen nga një vend tjetër, e cila nuk konsumohet në vend, por kalon në një vend të tretë.

**1.43 “Tregu i balancimit”** është menaxhimi, i bazuar në treg, i funksioneve të balancimit të sistemit të energjisë elektrike, i operuar nga Operatori i Sistemit të Transmetimit.

**1.44 “Tregu i organizuar i energjisë elektrike”** është platforma e organizuar për shitjen dhe blerjen e energjisë elektrike në bazë të ditës në avancë dhe/ose brenda së njëjtës ditë.

**1.45 “Tregu i energjisë elektrike”** është një sistem ku kryhen shitje dhe blerje efektive, përfshirë edhe derivativët e energjisë elektrike, nëpërmjet kërkesave dhe ofertave, të paraqitura në periudha afatgjata dhe afatshkurtra.

**1.46 “Tregtar”** është çdo person juridik, i cili kryen veprimtarinë e tregtimit të energjisë elektrike.

**1.47 “Tregtimi i energjisë elektrike”** është procesi që kryhet nga një person juridik që blen energji elektrike, me qëllim rishitjen e saj brenda ose jashtë sistemit të vendit ku kryen veprimtarinë.

**1.48 “Forcë madhore”** është një akt ose ngjarje natyrore apo shoqërore, si tërmetet, rrufetë, ciklonet, përmytjet, shpërthimet vullkanike, zjarret ose luftërat, konfliktet e armatosura, kryengritjet, veprime terroriste ose ushtarake, të cilat pengojnë të licencuarin të përmbushë detyrimet e tij sipas licencës, si dhe akte apo ngjarje të tjera që janë përtej kontrollit të arsyeshëm dhe që nuk kanë ardhur për faj të të licencuarit dhe i licencuari nuk ka pasur mundësi të shmangë një akt ose ngjarje të tillë nëpërmjet ushtrimit të vullnetit, përpjekjeve, aftësive dhe kujdesit të tij të arsyeshëm.

**1.49 “Biznesi Shoqërues”** Çdo biznes që direkt ose indirekt, tërësisht ose pjesërisht:

- është pronë e të Licensuarit; ose
- ka të Licensuarin në pronësi; ose
- është në pronësi të Personit, i cili është pronë e të Licensuarit.

**1.50 “Pagesa rregullatore”** është pagesa vjetore që të gjitha shoqëritë e licencuara në sektorin e energjisë elektrike paguajnë për llogari të ERE-s, për të mbuluar kostot e veprimtarisë rregullatore të tij. Pagesa rregullatore për çdo shoqëri të licencuar miratohet çdo vit nga ana e ERE-s në bazë të një metodologjie të miratuar nga ky institucion.

- **Kryerja e Aktivitetit të Licensuar**

2.1 I Licensuari autorizohet nga kjo Licencë për të kryer Aktivitetin e Transmetimit të Energjisë Elektrike në Republikën e Shqipërisë. Kjo e drejtë i jepet ekskluzivisht të Licensuarit. Gjatë afatit të Licensës, i Licensuari ka të drejtë të kryejë të gjitha veprimtaritë që kërkohen për përmbushjen e Veprimtarisë së Licensuar dhe që nuk ndalohen nga legjislacioni në fuqi.

2.2 I Licensuari do të përdorë dhe mirëmbajë Sistemin e Transmetimit në përputhje me Ligjin, Kodet, Vendimet e Këshillit të Ministrave të Republikës së Shqipërisë, Rregullave të tjera të ERE, kushteve të kësaj Licence si dhe akteve të tjera ligjore në fuqi për të siguruar funksionimin dhe kontrollin e Sistemit të Transmetimit të Republikës së Shqipërisë.

2.3 I Licensuari, në bazë të procedurave transparente, të efektshme dhe jo diskriminuese do të sigurojë lidhjen e përdoruesve të sistemit me Rrjetin e Transmetimit në bazë të parashikimeve të ligjit, dhe Rregullave të ERE që rregullojnë procesin e lidhjes në Rrjet.

2.4 I Licensuari nuk do të pengojë, parandalojë ose të përpiqet të ndalojë të Licensuar të tjerë apo pjesmarres të rinj të tregut që të angazhohen ligjërisht ose të hyjnë në biznesin e energjisë elektrike në Republikën e Shqipërisë.

2.5 I Licensuari mban llogari të veçanta për secilën nga veprimtaritë e licencuara që ushtron, si dhe për çdo aktivitet tjetër që nuk lidhet me sektorin e energjisë elektrike, me qëllim shmangien e ndërsubvencionimit dhe cënimit të konkurrencës në sektorin e energjisë elektrike. Këto llogari mund të paraqiten të konsoliduara, përveç rastit kur aktivitetet e kryera lidhen me shpërndarjen apo transmetimin e energjisë elektrike.

Të ardhurat që siguron i licencuari nga çdo e drejtë mbi rrjetin e transmetimit duhet të specifikohen në llogaritë e të licencuarit

2.6 I Licensuari nuk do të angazhohet në kryerjen e veprimeve ose në ndonjë aktivitet tjetër që shkakton anti-konkurrencë sipas legjisacionit në fuqi.

2.7 I Licensuari do të mbajë llogari dhe do të përgatisë pasqyra financiare, në përputhje me nenin 45 të ligjit dhe standartet e njehësuar të llogarive të miratuara nga ERE. I Licensuari është i detyruar të paraqesi në ERE pasqyrat e plota financiare për çdo vit ushtrimor. Pasqyrat financiare depozitohen në ERE brenda datës 31 janar të vitit pasardhës ushtrimor ndërsa kopja e audituar e këtyre pasqyrave depozitohen në ERE brenda datës 30 Qershor.

2.8 I Licensuari nuk do të bashkëpunojë me persona të tjerë për të dëmtuar të licensuarit ose Klientë të përfshirë në Aktivitete të Energjisë Elektrike. I Licensuari mund të bashkëpunojë me



Persona të tjerë për çështje që lidhen me rritjen e sigurisë, qëndrueshmërisë dhe modernizimit të sistemit të transmetimit.

2.9 I Licensuari do t'a kryejë Aktivitetin e Licensuar në përputhje me parimet e efikasitetit operative, ekonomike dhe objektivin e arritjes së kostos dhe ndikimit mjedisor më të ulët pa rrezikuar cilësinë dhe qëndrueshmërinë e Sistemit të Transmetimit.

2.10 I Licensuari kontribuon në sigurinë e furnizimit nëpërmjet garantimit të sigurisë së sistemit dhe kapaciteteve të qëndrueshme të transmetimit;

2.11 I Licensuari do të hartojë dhe nxisë politika dhe programe që synojnë të respektojnë standartet e cilësisë dhe qëndrueshmërisë të vendosura për Sistemin e Transmetimit, sipas Rregulloreve dhe Rregullave të ERE-s.

2.12 I Licensuari nuk do të angazhohet në aktivitete të tjera që pengojnë ose mund të pengojnë kryerjen e Aktivitetit të Licensuar. I Licensuari duhet të informojë ERE-n në rastet kur synon të:

- a) angazhohet në aktivitete tjetër përveç aktivitetit të Licensuar; ose
- b) të ngrejë një Biznes Shoqëruar.

2.13 I Licensuari nuk është përgjegjës për mos-përmbushjen e Kushteve të Licencës në rast të një Force Majeure deri në atë shkallë sa Force Majeure është shkaku për këtë mos-përmbushje të Kushteve të Licencës. Në këtë rast, i Licensuari duhet të njoftojë menjëherë ERE-n dhe të licensuarit e tjerë ose Klientët me të cilët i Licensuari ka lidhur Kontrata për Transmetimin e Energjisë Elektrike.

- **Detyrimet e të Licensuarit**

3.1. I Licensuari është i detyruar të respektojë Legjislacionin në Fuqi gjatë ushtrimit të funksioneve sipas kësaj license.

3.2. **Llogaritë dhe Raportimi**

3.2.1. Nëse i Licensuari parashikon një situatë emergjence siç përcaktohet nga Legjislacioni në fuqi, i Licensuari do të njoftojë pa vonesë ERE-n dhe ky njoftim do të përshkruajë çfarë masash do të marrë i Licensuari për të parandaluar ose përmirësuar ndikimet e situatës emergjente të parashikuar.

3.2.2. I Licensuari do të njoftojë ERE-n brenda 10 ditëve për çdo ndryshim të:

- a) adresës;
- b) statutit të të Licensuarit;
- c) certifikatës së regjistrimit;
- d) kodit fiskal;
- e) organet kryesore drejtuese; ose

Nëse i Licensuari nuk e bën këtë njoftim, ERE mund të aplikojë gjoba, sipas Ligjit.

3.2.3. Gjithë njoftimet zyrtare, aplikimet, pretendimet ose korrespondenca tjetër lidhur me Licencën duhet të jetë me shkrim dhe të nënshkuara respektivisht nga një zyrtar i autorizuar ose përfaqësues i caktuar i të Licensuarit ose ERE-s, dhe të dërgohet me korrier ose postë të regjistruar, duke kërkuar një verifikim të fletës së marrjes. Adresat e Palëve duhet të vendosen mbi zarf. Gjithë njoftimet ose korrespondenca tjetër do të konsiderohen se hyjnë në fuqi nga momenti i dorëzimit. Do të konsiderohen të pranuar edhe gjithë njoftimet e dërguara përmes postës elektronike zyrtare të komunikuar me parë zyrtarisht nga palët.

### **3.3. Përdorimi i Informacionit**

3.3.1 I Licensuari për çdo informacion të marrë si rezultat i Aktivitetit të tij të Licensuar është i detyruar të zbatojë Konfidencialitetin e Operatorit të Sistemit të Transmetimit sipas nenit 64 të ligjit.

### **3.4. Kontrolli i Centralizuar dhe Koordinimi i Rrjetit të Transmetimit të Energjisë Elektrike**

3.4.1. I Licensuari do të drejtojë dhe koordinojë operimin e Sistemit të Transmetimit në përputhje me Kodin e Transmetimit dhe Rregullat e ERE-s.

3.4.2. Operatori i Sistemit të Transmetimit:

a. instalon dhe përpunon të gjitha llojet e informacionit, komunikimeve dhe sistemeve, duke përfshirë gjithashtu edhe sistemin *wireless* të nevojshëm për sistemin e transmetimit

b. shkëmben ose ndan shërbimet e balancimit me operatorët e sistemit të transmetimit të shteteve fqinje për rregullimin e frekuencës brenda rrjetit, në përputhje me marrëveshjet operacionale ndërmjet operatorëve të sistemit të transmetimit të rajonit dhe parashikimeve të këtij ligji për promovimin e bashkëpunimit rajonal.

3.4.3. I Licensuari do të sigurojë Shërbime Ndhmëse në përputhje me ligjin, Kodin e Transmetimit, Vendimet dhe Rregullat e ERE-s.

### **3.5. Regjistrimi dhe sistemi i raportimit të Operatorit të Sistemit të Transmetimit do të bëhet në përputhje me Kodin e Transmetimit.**

3.6. I Licensuari do të njoftojë menjëherë ERE-n dhe palët e tjera të interesuara për çdo rrethanë që çon në ndryshime të rëndësishme të Sistemit të Transmetimit në përputhje me legjislacionin në fuqi dhe Kodin e Transmetimit.

3.7. Vetëm Operatori i Sistemit të Transmetimit ka të drejtë të faturojë dhe të arkëtojë tarifën/at e transmetimit, të miratuar paraprakisht nga ERE, në përputhje me metodologjinë e tarifave

### **3.8. Aksesi dhe Lidhja me Sistemin e Transmetimit**

3.8.1. Operatori i Sistemit të Transmetimit garanton akses në rrjet për të gjithë përdoruesit e sistemit të transmetimit, mbi baza transparente, jodiskriminuese bazuar në përcaktimet e bëra në nenin 29 të ligjit dhe tarifat e miratuara dhe të publikuara nga ERE.

3.8.2. I Licensuari duke njoftuar përdoruesit e sistemit, mund të pezullojë Shërbimet e Transmetimit sipas Kushteve të Licencës për çdo periudhë kohe, në përputhje me legjislacionin në fuqi, përfshirë edhe rastet kur përdoruesi në mënyrë të përsëritur, cenon funksionimin dhe sigurinë e sistemit.

### 3.9. Pagesa Rregullimi

3.9.1. I Licensuari do t'i paguajë ERE-s pagesa rregullimi në mënyrë të rregullt dhe të vazhdueshme gjatë afatit të kësaj Licence siç përcaktohet nga ERE në përputhje me Ligjin nr. 43/2015 "Për Sektorin e Energjisë Elektrike" dhe rregulloret e aplikueshme të ERE-s.

3.9.2. Nëse i licensuari nuk bën pagesën brenda 30 ditëve nga data e marrjes së njoftimit, ERE ka të drejtë të aplikojë masat administrative, në përputhje me "Rregulloren e vendosjes së gjobave ndaj të licensuarve dhe kushtet e lehtësimit prej tyre"

- **Kontrolli mbi Kryerjen e Aktivitetit të Licensuar**

4.1. ERE do monitorojë zbatimin nga i Licensuari të Kushteve të Licencës, do të shqyrtojë raportet e marra nga i Licensuari dhe, në çdo kohë pas njoftimit, është i autorizuar të inspektojë asetet ose regjistrimet e llogarive dhe mund të bejë një auditim teknik dhe/ose kontabël të aktiviteteve të të Licensuarit.

4.2. Përfaqesuesit e autorizuar të ERE-s kanë të drejtë të hyjne në ndërtesat e të Licensuarit, pajisjet dhe dokumentat për të inspektuar Aktivitetin e Licensuar në përputhje me Rregulloret dhe Rregullat e ERE-s. I Licensuari do të sigurojë çdo ndihmë të kërkuar, të nevojshme për ERE-n gjatë këtij inspektimi.

4.3. Në bazë të ankesës së vërtetuar të çdo Personi të tretë ose iniciativë të vetë ERE mund të nisë një hetim për zbatimin e Kushteve të Licencës ose Vendimeve dhe Rregullave të ERE-s

4.4. Nëse pas hetimit, ERE konkludon se i Licensuari nuk ka zbatuar Kushtet e Licencës, ERE mund të korigjojë tarifat e të Licensuarit dhe/ose të ndërmarrë të gjitha ato masa që janë brenda autoritetit që i ka njohur ligji.

4.5. I Licensuari do të informojë ERE-n për çdo shkelje të Kushteve të Licencës brenda afateve të përcaktuara në rregulloren "Për organizimin, funksionimin dhe procedurat e ERE-s"

4.6. I Licensuari do të zbatojë të gjitha vendimet e nxjerra nga ERE, përfshirë pagesën e plotë të gjobave të vendosura nga ERE-ja, në përputhje me Rregulloret dhe Rregullat e ERE-s, për shkeljen e Kushteve të Licencës.

## 5. Modifikimi dhe Heqja e Licencës

5.1 Modifikimi i kushteve të kësaj license dhe heqja e saj bëhet në përputhje me ligjin dhe Rregulloren e miratuar nga ERE "Për procedurat dhe afatet për dhënien, modifikimin, transferimin, rinovimin

ose heqjen e licensave në sektorin e energjisë elektrike” si dhe “Rregulloren për procedurat e heqjes së licencave”

- **Zgjidhja e Mosmarrëveshjeve dhe e Drejta për Apelim**

6.1. Çdo çështje e diskutueshme ose kërkesë mes të Licensuarit dhe çdo Perdoruesi të Sistemit të Transmetimit lidhur me Kushtet e Licencës do të zgjidhet nëse do të jetë e mundur me mirëkuptim, në përputhje me Legjislacionin në fuqi, vendimet dhe Rregullat e ERE-s.

6.2. Nëse zgjidhja nuk arrihet me mirëkuptim, atëherë ERE-ja në bazë të një kërkesë të çdo Personi që është palë në këtë mosmarrëveshje do ta zgjidhë mosmarrëveshjen dhe do të nxjerrë vendimin e saj në përputhje me Legjislacionin në fuqi , Rregulloret dhe Rregullat e saj.

6.3. I Licensuari mund të kundërshtojë vendimet e ERE-s në përputhje me ligjin dhe rregulloret e ERE-s.